

## Kalaallit Nunaanni Danmarkimilu akinik sanilliusseq

### Aallaqqaasiut

Kalaallit Nunaanni Naatsorsueqqissaartarfiup Kalaallit Nunaanni Danmarkimilu atuisartunut akit qaffasissusiisa assigiinnigissutaannik assersuorsimavoq. Akinik assersuussineq Danmark Statistikimit suliarineqarsimavoq Kalaallit Nunaanni Naatsorsueqqissaartarfik suleqatigalugu, suliami Danmarkimi Kalaallillu Nunaanni juli 2016-imi akit sanilliunneqarput. Uani allaaserineqarput periuseq suliallu inerneru.

### Akit assersuunnerisa inernerat

Inuit nammineq atuinerinut *inuussutissat kiffartuussinerillu ataatsimut* inerneru suliarineqarsimapput, nioqqutissat pingaarnert aqqaneq marlunnut agguataarneqarsimallutik. Inernerisa takutippaat, Kalaallit Nunaanni akit qaffasinneri katillugit Danmarkimi akinik 6,3 procentinik qaffasinnerusoq. Suleriaaseq malillugu isumaqarpoq agguaqatigiissillugu akit Kalaallit Nunaanni qaffasinnerulaartut.

### Takussutissiaq 1. 2016-imi juulimi Kalaallit Nunaanni Danmarkimilu akigititanut assersuussineq, Naleqqersuut 100 = DK

	Danmarkimi uuttuutit	Kalaallit Nunaanni uuttuutit	Akigitat inissimaffiik naleqqersuut DK=100
<b>0 Inuussutissat kiffartuussinerillu ataatsimut . . . . .</b>	<b>100,0</b>	<b>100,0</b>	<b>106,3</b>
1 Nerisassat imigassallu aalakoornartunik akoqanngitsut . . . . .	12,2	22,3	136,4
2 Imigassat aalakoornartut tupallu . . . . .	3,9	11,4	196,7
3 Atisat isikkatigullu atukkat . . . . .	4,6	3,6	99,6
4 Ineqarneq, imeq, inaallagjaq, gassi, il.il. . . . .	29,4	24,2	87,9
5 Inigisami atorlut pissarsiat . . . . .	5,2	2,4	119,6
6 Peqqinnissaqarfik . . . . .	3,1	0,7	117,5
7 Assartuineq . . . . .	11,8	6,5	99,3
8 Attaveqatigiinneq . . . . .	2,1	3,3	159,9
9 Sunngiffik aamma piorsarsimassuseq . . . . .	10,9	8,6	109,6
10 Ilinniartitaaneq . . . . .	0,9	0,1	41,3
11 Neriniartarfiit akunnittarfiillu . . . . .	6,2	7,2	101,3
12 Nioqqutissat allat, sullissinerillu allat . . . . .	9,6	9,7	79,2

Najoqutaq: <http://bank.stat.gl/pmpli>

### Nioqqutissani pingaarnerni ataasiakkaani akit assigiinnigissutaat

Nioqqutissani pingaarnerni aqqaneq marlunni akit inissisimanerisa qaffasissusaat assigiinnigitsorujussuupput. *Imigassat aalakoornartullit tupallu* akiisa qaffasissusiata Kalaallit Nunaanni 96,7 pct.-imik Danmarkimi akinut

sanilliullugu qaffasinnerupput, *Attaveqaqatigiinnermilu* akit Kalaallit Nunaanni Danmarkimiit 59,9 pct.-imik qaffasinneruvoq. Paarlattuanik *ineqarneq, imeq, innaallagialaq, gassi il.il.* Kalaallit Nunaanni 12,1 pct.-inik Danmarkimut naleqqiullugit appasinnerupput aamma nioqqutissat allat, sullissinerillu allat Kalaallit Nunaanni 20,8 pct.-inik Danmarkimut naleqqiullugit appasinnerupput.

### **Nioqqutissat suunerisa pisiassanut aamma kiffartuussinerni akinut tamakkiisunut sunniutaat**

Akit ataatsimut qaffasissusaanut aamma akit assigiinngissusaanut nioqqutissanut pingaarnernut ataasiakkaanut uuttuut pingaaruteqarpoq. Akitigut assigiinngissutsip ataatsimut akit qaffasissusiisa assigiinngissutaannut qanoq pingaaruteqarnerinut uuttuutit aalajangiisuusarpur. *Ineqarneq, imeq, innaallagialaq, gassi il.il.* pingaaruteqartorujussuupput, taakku uuttuutaasa Kalaallit Nunaanni Danmarkimilu pingaaruteqarnerat pissutaalluni. Paarlattuanik *ilinniagaqarneq* uuttuutit pingaartinneqarpiangilaq, *ilinniagaqarneq* amerlasuutigut pisortanit akilerneqartarmat, taanna Kalaallit Nunaanni Danmarkimilu atuuppoq, taamaammat *ilinniagaqarneq* inuit namminneq atuinerannut sanilliullugu initorpiangilaq.

Nioqqutissat ataasiakkaat uuttuutitigut annertuumik pingaartinneqartut aamma akimikkut inissisimanerat Kalaallit Nunaanni 5 pct.-imik qaffasinnerusumilluunniit Danmarkimut sanilliullugu akeqarput. *Iffiat, Iffialiassat, neqit, sukut atorlugit nioqqutissiat, marmeladit, sukulaatit il.il., mineralvandit, sodavandit, naatitat aamma naatitanit imeruusaatit, imigassaq aalakoornartulik, tupa, pequtit angerlarsimaffinnilu Atortussat, assartuinnermik kiffartuussinerit, attaveqaqatigiinnermut kiffartuussinerit, isiginnaarutit, assiliissutit aamma datalerissutit, sunngiffimmi atortut allat aamma inummur atortussiat assigiinngitsut (tarngutit il.il.)*

Nioqqutissat annertuumik uuttuutitigut pingaarutillit akimikkullu 5 pct.-inik annerusumilluunniit Kalaallit Nunaanni Danmarkimut sanilliullugu appasinnerusut tassaapput, *aalisakkat, ineqarnermut akiliut, imeq, ikummatissaq, innaallagialaqarneq, gassi kiassarnerlu, inuit namminneq assartuutaat, sillimmasiinerit aamma kiffartuussinerit allat aningaasaqarnikkullu kiffartuussinerit ilanngullugit.*

Saqqummiussap matuma naggataani nioqqutissani ataasiakkaani akit inissisimanerinut naatsorsuutit suliarineqarsimapput, uani akitigut inissisimanermit naleqqersuutit takussutissiami 1-imi erseqqinnerusumik nassuiarneqarpoq.

### **2014-imi akinik sanilliussinermit allannguutit**

2014-imut sanilliullugu Kalaallit Nunaata Danmarkillu akornanni akit allanngorsimapput. Allanngortoqarsimaneranut uku pissutaasinnaapput. Siullermik Kalaallit Nunaanni Danmarkimilu 2014-imi aamma 2016-imi akit assigiinngitsumik ineriartorsimasinnaapput.

Danmarkimi immuk akikillisimappat Kalaallit Nunaannilu allanngorsimanani, Danmarkimi akimut sanilliullugu Kalaallit Nunaanni immuk akitsorsimassaaq.

Piffissami pineqartumi Kalaallit Nunaanni Sukkulaatit, lakridsit, sukkunit atorlugit tunisassiat aamma snusit akitsuuserneqarput, taamaaliorneq akinut sunniuteqarpoq.

Aappaattut akit misissornerini misissukkat allanngorsimaneri sunniuteqarsinnaapput. 2014-ip 2016-illu akornanni elektronikkit misissukkat allanngornikuupput, pingajuattut taaneqarsinnaavoq akit tigulaagaanarisa kisitsisitigut paasissutissanik qulakkeerneqavissinnaannginnerannut sunniuteqarsinnaapput.

2016-imi Danmark Statistikimi nerisassat imigassallu akiinut paasissutissat strekcode atorlugit misissorneqartalerput. Nerisassaarniarfinni akit agguaqatigiissinnerat tassani pissarsiarineqartalerpoq. Amerlasuunngorlugit akikillisat misissuineri ilanngunneqartalerput (ass. Pisiassat pingasut marluk nalinginik akilerlugit neqeroorutit), tamatuma kingunerisaanik Danmarkimi akit appariarput, tassa Danmarkimi neqeroorutit nalingi ilanngunneqartalerpata. Kalaallit Nunaanni Danmarkimilu pisiassat assigiit misissuiffigineqarmata Danmarkimi misissueriaatsip allanngornera akit nikingassutaannut sunniuteqarpoq. 2016-imi 2014-imut sanilliullugu Kalaallit Nunaanni nerisassat, imigassat imigassallu aalakoornartortalli akisa qaffasinnerunerat Danmarkimi misissueriaatsip allanngorneranik pissuteqarpoq.

### **Pisiassat suut akii allanngornerpaajusimappat**

Pisiassat ataasiakkaat Kalaallit Nunaanni Danmarkimi akinut sanilliullugu qaffariangaatsiarsimapput. *Nerisassat aamma imigassat aalakoornartortallit* akii 16,9 pct.-imik qaffarsimappat, *imigassat aalakoornartortallit tupallu* 28,3 pct.-imik qaffassimasut *peqqinnissamut tunngasut* 5,1 pct.-imik qaffassimasut.

Pisiassat ilaat 2014-imut sanilliullugit akii apparsimapput. Kalaallit Nunaanni *Attaveqatigiinnermut* pisiassat 20,8 pct.-inik apparsimavoq Danmarkimut sanilliullugu, *sunngiffik aamma kulturimut* tunngasut 11,6 pct.-imut apparsimasut. *Neriniartarfiit aamma akunnittarfiit* 7,1 pct.-inik Danmarkimut sanilliullugit apparsimapput.


### **Nunanut avannarlernut sanilliussineq**

Misissuineri periuseq atorneqartoq, aamma nunani allani akitigut inissisimaffinnut sanilliussinissamut atorneqarsinnaavoq. Titartakkami 1-imi nunani avannarlerni EU-milu agguaqatigiissitsineri Kalaallit Nunaanni akitigut inissisimanermut sanilliullugu atorneqarpoq. Kalaallit Nunaat uani akigititanut naleqqersuutitut = 100-iusutut naatsorsorneqarsimavoq<sup>1</sup>.

---

<sup>1</sup> Peqqinnissaqarfik, ilinniarnaq aamma inunnik isumaginninneq (meeqqanik paaqqinninneq ilanngullugu) nunani allani akit qaffasissusiisa assigiinnginnerannik naatsorsueriaatsimut nikingavoq, tamanna pingaaruteqarsinnaavoq, Kalaallit Nunaanni akip ataatsimut qaffasissusia agguaqatigiissillugu Danmarkimunngitsoq nunanulli allanut assersuunnissaa.

## Titartagaq 1. Nunani avannarlerni atuisartunut akigititat inissisimaneri Kalaallit Nunaannut sanilliullugit



Najoqqutaq: <http://bank.stat.gl/prnplj> aamma Eurostat prc\_ppp\_ind 2015, purchasing power parities (PPP), price level indices.

Titartakkap takutippaa Sverigemi akit qaffasissusaata naleqqersuutaa Kalaallit Nunaannut naleqqiullugu nunatsinni akit qaffasissusaannit 84,2-usoq, tassa Kalaallit Nunaannut naleqqiullugu Sverigemi akigitinneqartut 15,8 pct.-inik appasinnerupput. Norgemi akigitinneqartut qaffasissusaata naleqqersuutaa Kalaallit Nunaanni akigitinneqartuniit 95,9-nik naleqqersorneqarpoq, tassa ima isumaqarpoq Norgemi akit Kalaallit Nunaanniit 4,1 pct.-inik appasinnerullutik. Nunani avannarlerni akit nalinginnaasumik Kalaallit Nunaanniit akigititatigut appasinnerusumik inissisimapput. Norgemili akit Kalaallit Nunaanilu akit assigiinnangajapput, naak misissuineri nalorninartoqartoq ilisimaneqarualuortoq<sup>2</sup>.

2014-imiit akit ineriartorsimanerisa takutippaat nunani avannarlerni akit Kalaallit Nunaanni akinut sanilliullugit appasinnerulersimasut, Islandimi akit minillugit. Kalaallit Nunaanni akit qaffasinnerulersimapput nunani avannarlernut akinut sanilliullugit, EU-mi nunani akit 2014-imisut ipajaaginnarsimasut. Nunani akit ineriartornerat aningaasat nalingisa nikerarnerannik aamma pissuteqarpoq. Ukiuni kingullerni norskit svenskillu kronii nalikillismapput, islandermiut kronii naleqarnerulersimasut. Aningaasat nalingi Danmarkimi kronip nalinganut sanilliunneqarput.

### Akit imminnut assersuunneqarnerisa siunertaa

Misissuineri siunertaavoq Kalaallit Nunaanni inuit namminneq atuinerisa Danmarkimi taamaaqataannik akitigut inissisimaneri imminnut assersuunnissaat. Nunanut taakkununga marlunnut nioqutissat qirneqarsimasut kiffartuussinerillu akitigut inissisimaneri imminnut

<sup>2</sup>Nunani allani akit imminnut sanilliunneqarnerisa naatsorneqarneri Eurostat 2015 inoqutigiit atuinerinut akinik imminnut sanilliussineq (PLI) atorlugu suliarineqarsimavoq, tassani Danmarki nunat avannarlit sinnerinut EU-milu akit inissisimanerinit akunnermiliuttuulluni. Akit inissisimanerisa ersersinneranut siunertaavoq nunap nunanut allanut sanilliullugu akit eqqarsaatigalugit qanoq inissisimanerani ersersitsinissaq. Akinut naleqqersuutit nunat inissisimanerinit atorneqarsinnaangillat nunani pineqartuni akit +/- 5 procentpointimik nalorninartoqarsinnaanerit pissutaalluni.

sanilliullugit suliarineqarsimapput. Kiffartuussinerit nioqqutissallu imminnut assersuunneqaraangata, pinngitsooratik assigeeqqissaartussaapput imaluunniit pitsaassusaat assigiissallutik, aamma ajornanngippat nunani pineqartuni inuit namminneq atuinerinut takussusiinnaassallutik.

### **Akit imminnut assersuunneqarnerini pingaarnertut tunngaviit**

Nioqqutissat ataasiakkaat kiffartuussinermilu nioqqutissianik ataatsimoortunik nunat marluk akornanni naatsorsuinermi periuseq EU-p Eurostat-iata naatsorsueqqissaarnermi allaffiata nunat akornanni akinik assersuussinermi atortagaata assinga atorneqarsimavoq, taannalu aamma nunani tamalaani allani atorneqartarpoq<sup>3</sup>. Atuinnermut uuttuutit, inuit namminneq atuinerisa naatsorsorneqarnerinut atorneqarsimasut, uuttuutaapput atuisartunut akit naleqqersuiffiginerini atorneqartartut, aamma nuna tamakkerlugu naatsorsuutini inuit namminneq atuinerisa naatsorsorneqarnerini atorneqartartoq.

### **Akit imminnut assersuunneqarnerisa annertussusiat**

Kalaallit Nunaanni Danmarkimilu nioqqutissat kiffartuussinerillu akii, pingaarnertut akit pillugit paasissutissianit tiguneqarsimapput. Akit ulloq 1. juuli 2016-imi naatsorsorneqarsimapput. Kingusinnerusukkulli aggustip qaammataani Danmarkimut Kalaallit Nunaannullu akit ilassutissaannik aallertoqarsimavoq. Ataani misissuinerup annertussusaa takuneqarsinnaavoq.

## **Takussutissiaq 2. Uuttuutini nioqqutissat amerlassusaa, nioqqutissat ataasiakkaat kiffartuussinerit akillu**

	Uuttuutit pingaarutillit	Nioqqutissat ataasiakkaat kiffartuussinerillu	Akit (prispar)
Akit qaffasissusaannut naleqqersuut, annertussuseq .....	105	1.144	1.478

Atuisartunut akit naatsorsuinnermut atorneqartussanngorlugit pissarsiarineqarsimasut, Danmarkimi Kalaallit Nunaanilu tamakkiisumik atuupput. Kalaallit Nunaanni akit atuisunut akit pillugit kisitsisit atorlugit nassuiaasiarnermi atorneqartut assigimmatigit. Nioqqutissat ataasiakkaat naatsorsornerini nuna tamakkerlugu akit agguaqatigiissinneri tunngavigalugit suliarineqarput. Tassanilu innaallagissamut, imermut kiassarnermullu, meeqqanut inuusuttunullu paaqqinnittarfinnut akiliutit aamma ineqarnermut akiliutit atuuttut pineqarput. Tamatumalu kingorna akigititat taamaaqataat Danmarkimi akigititanut naatsorsuinnermut assersuunneqarput.

Nioqqutissat ataasiakkaat kiffartuussinerillu akiini, Kalaallit Nunaanni Danmarkimilu nioqqutissap imaluunniit akilernerani annertooujussuarmik assigiinngissuteqartuni, soorlu nakorsaatit, kigutilerisumukarneq, chartererluni angalanerit, ilinniartitsineq aamma umiatsiamik/ikaartaammik ilaasunik angallassinermi (aki ataaseq), periutsit assigiinngilaartut atorneqarsimapput, taamaaliornikkut akit imminnut

<sup>3</sup> Peqqinnissaqarfinnut, ilinniarfinnut aamma inunnik isumaginninnermut (meeqqanik paaqqinninneq ilanngullugu) akit assigiinnginnerisa naatsorsorneranut tunngaviuvoq EU-mi nammineerluni akiliisoqartannginnera, kisianni full cost approach, tassa pisortat akiliutaat akinut ilaavoq.

assersuunneqarsinnaalersillugit. Periaaseq pillugu allaaserisaq Naatsorsueqqissaartarfiup nittartagaani aaneqarsinnaavoq.

Akit imminnut assersuunneqarnissaannut tunngaviusut, tassaapput atuisup akilertagai. Tassa imaappoq, Kalaallit Nunaanni atuisut tamakkiisumik akilertagaat akitsuutit ilanngullugit eqqartorneqarput aamma Danmarkimi akitsuutit momsilu ilanngullugit eqqartorneqarlutik.

### **Atuisartunut akigititat inissisimanerisa naatsorsorneqarneri (akit imminnut assersuunneqarneri)**

Akit imminnut assersuunneqarnerinik naatsorsuineq immikkoortunut tallimanut agguataarneqarsinnaavoq. Ataani naatsumik naatsorsuinnermut periuseq nassuiarneqarpoq.

Immikkoortoq siullesq tassaavoq Kalaallit Nunaanni Danmarkimilu nioqqutissat ataasiakkaat kiffartuussinerillu agguaqatigiissinnerisa naatsorsornerat, akit pineqartut katersoreernerisigut.

Immikkoortup aappaani nioqqutissat tamarmiusut kiffartuussinerillu (akit naleqqiussat), Kalaallit Nunaanni nioqqutissat ataasiakkaat kiffartuussinerillu agguaqatigiissinnerinut tunngasut, Danmarkimilu nioqqutissat kiffartuussinerillu assigisaasa akiisa agguaqatigiissinneri.

Immikkoortup pingajuanni akit allanut sanilliussat uuttortagassanut agguaqatigiissitat naatsorsorneqarput, nioqqutissanut ataatsimoortunut atatinneqartut (naligiissitat). Tabeli 1 takuuk, pingaarnertut nioqqutissat immikkoortiternerinut tunngasut pillugit sukumiinerusumik erseqqissaatigisaq.

Nioqqutissanut ataatsimoortunut pingaarnertut akit naleqqersuutaat immikkoortup sisamaanni naatsorsorneqarpoq, nioqqutissat ataatsimoortut agguaqatigiissinnerinut uuttuutitut. Kalaallit Danmarkimillu uuttuutaat Atuisunut akigititamut naleqqersuutit atorlugit. Tamassuma kinguneraa, nioqqutissat pingaarnertut ataatsimoortitat marlunnik naleqqersuuserlugit naatsorsornissaat.

Immikkoortumi kingullermi ataatsimut naligiissitat naatsorsorneqarput, nunatsinni Danmarkimilu akinut naligiissitat uuttortagassat agguaqatigiissitsineri malillugit. Tamassuma naatsorsueriaatsip qularnaarpaa, akit assersuunnerat Nunatsinni Danmarkimilu inuit nammineq atugaasa assigiinngitsumik katiternerat sillimaffigalugu.

Naatsorsuineq Danmarks Statistikimit suliarineqartoq, periuseq nunat assigiinngitsut akornanni aamma akit imminnut assersuunneqarnerini atorneqartartoq assigaa.

### **Paasissutissat allat**

Akit imminnut assersuunneqarneri aamma Kisitsisaataasivimmi saqqummersinneqarput.

**Tabel 1. Akit inissisimaffiinik nalileeriaaseq (DK = 100) nioqqutissat akii juuli 2016-imeersut**

	Danmarkimi uuttuutit	Kalaallit Nunaanni uuttuutit	Akigititat inissisimaffiinik naleqqersuut (DK=100)
<b>00. Inuusutissat kiffartuussinerillu ataatsimut</b>	<b>100,00</b>	<b>100,00</b>	<b>106,3</b>
<b>01. Nerisassat imigassallu aalakoornartunik akoqanngitsut</b>	<b>12,17</b>	<b>22,26</b>	<b>136,4</b>
01.1 Inuusutissat il.il.	10,83	19,12	134,0
01.1.1 Iffiukkat karrinillu nioqqutissiat	1,58	2,14	148,0
01.1.2 Neqit, neqinik nioqqutissiat	2,55	5,39	142,9
01.1.3 Aalisakkat	0,46	4,48	82,8
01.1.4 Immuk, immuup qalippernera, immussuaq, manniit	1,65	1,45	141,0
01.1.5 Punneq, margariina il.il.	0,37	0,21	134,9
01.1.6 Paarnat	0,89	0,64	145,9
01.1.7 Naatitat	1,18	1,22	160,1
01.1.8 Sukkut mamakujuttullu il.il.	1,63	2,39	160,3
01.1.9 Inuusutissat allat	0,53	1,21	132,7
01.2 Imigassallu aalakoornartunik akoqanngitsut	1,34	3,14	154,5
01.2.1 Kaffi, te il.il.	0,43	0,62	124,2
01.2.2 Sodavandi aamma paarnap issera	0,91	2,51	166,6
<b>02. Imigassat aalakoornartut tupallu</b>	<b>3,94</b>	<b>11,38</b>	<b>196,7</b>
02.1 Imigassaq aalakoornartuq	1,81	5,54	243,7
02.2 Tupa	<b>2,13</b>	<b>5,84</b>	<b>162,3</b>
<b>03. Atisat isikkatigullu atukkat</b>	<b>4,56</b>	<b>3,64</b>	<b>99,6</b>
03.1 Atisat, nioqqutissallu allat atisanut atorpeqartartut	3,65	3,16	99,1
03.2 Isikkatigut atukkat	0,91	0,48	102,0
<b>04. Ineqarneq, imeq, inaallagiaq, gassi, ikummatissallu allat</b>	<b>29,42</b>	<b>24,21</b>	<b>87,94</b>
04.1 Ineqarnermut akiliutit	<b>21,02</b>	15,74	88,9
04.4 Imeq	2,37	1,43	64,8
04.5 Ikummatissaq, innaallagiaq, gassi kiassarnerlu	6,03	7,05	<b>93,1</b>
<b>05. Inigisami atortut pissarsiat</b>	<b>5,23</b>	<b>2,40</b>	<b>119,6</b>
05.1 Pisattat ineqarnermilu atortut, natersuit il.il.	2,07	0,68	122,9
05.2 Annoraamerngit inigisani atorpeqartartut	0,45	0,17	118,4
05.3 Inoqutigiinni atortut taakkualu iluarsarneri	0,95	0,38	122,1
05.4 Immiartorfiit, nerinermut atortut, inoqutigiinnilu sakkut	0,51	0,41	103,0
05.5 Illumut naatsiivimmullu sakkut atortussallu	0,51	0,25	128,3
05.6 Nalinginnaasumik illumi atuinerit nioqqutissat kiffartuussinerillu	0,76	0,52	120,4
<b>06. Peqqissuseq</b>	<b>3,07</b>	<b>0,70</b>	<b>117,5</b>
06.1 Nakorsaatit	1,28	0,50	114,2
06.2 Ornigunnerinnakkut suliaritinneq	1,79	0,20	122,0
<b>07. Assartuineq</b>	<b>11,82</b>	<b>6,53</b>	<b>99,3</b>
07.1 Qamutininik pisineq	3,67	0,57	107,2
07.2 Inunnik assartuissutinik ingerlatsineq	6,67	0,79	77,4
07.3 Assartuineri kiffartuussinerit	1,48	5,17	115,0
<b>08. Attaveqatigiinneq</b>	<b>2,15</b>	<b>3,28</b>	<b>159,9</b>
08.1 Porto	0,04	0,12	117,6
08.2 Attaveqatigiinnermi atortut	0,30	0,41	115,2
08.3 Attaveqatigiinnermi kiffartuussinerit	1,80	2,75	170,3
<b>09. Sunngiffik aamma piorsarsimassuseq</b>	<b>10,92</b>	<b>8,64</b>	<b>109,6</b>
09.1 Tusarnaagassat isiginnaagassallu aamma assiliineri atortut qarasaassiaqarnermilu atortut	2,24	1,02	109,1
09.2 Sunngiffimmu kulturimullu atatillugu atuineri iluaqtissat allat annertunerusut	0,42	0,88	80,8
09.3 Sunngiffimmi, naatsiiveqarnermi uumasuuteqarnermilu atortut allat	2,20	1,20	110,4
09.4 Sunngiffimmu timersormullu atatillugu kiffartuussinerit	3,45	4,48	98,7
09.5 Avisit, atuakkat allallu pappiaqqanik sanaat	1,16	0,32	116,7
09.6 Charterimik angalanerit	1,46	0,73	103,3
<b>10. Ilinniartitsineq</b>	<b>0,87</b>	<b>0,09</b>	<b>41,3</b>
10.1 Ilinniartitsineq	0,87	0,09	41,308
<b>11. Neriniartarfiit akunnittarfillu</b>	<b>6,22</b>	<b>7,16</b>	<b>101,3</b>
11.1 Neriniartarfiit, cafeet, kantiinat il.il.	5,40	5,29	98,2
11.2 Unnuinerit, hotelit	0,83	1,87	115,4
<b>12. Nioqqutissat allat, sullissinerillu allat</b>	<b>9,63</b>	<b>9,72</b>	<b>79,2</b>
12.1 Imminut isumagineq	2,10	0,31	118,6
12.3 Inuit pigisaat allat	0,64	1,41	105,0
12.4 Ullukku paaqqinnittarfiit inunnillu isumagininneq	1,86	1,78	51,4
12.5 Sillimmasinerit	2,38	2,67	92,9
12.6-7 Kiffartuussinerit allat aningaasaqarnikkut sullissinerit ilanngullugit	2,65	3,54	68,6

Najoqqutaq: <http://bank.stat.gl/ormpfi>

---

Ilisamaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uttuutigineqartup affaanit minneruvoq

- Nul

\* Kisitsisaagallartoq kisitsilluunniit eqqoriarneqartoq

Saaffiginnittoqarsinnaavoq

Daniel Schütt

E-mail: Dasc@stat.gl

Akit

**Naatsorsueqqissaartarfik**

Postboks 1025, 3900 Nuuk

Tlf.+299 34 57 70- Fax +299 34 57 90

www.stat.gl · e-mail: stat@stat.gl

